

Tun M dan isteri ucap selamat menyambut Hari Gawai, Pesta Kaamatan

SelangorKini.my

1 Jun 2019

KUALA LUMPUR, 1 JUN: Perdana Menteri, Tun Dr Mahathir Mohamad dan isteri, Tun Dr Siti Hasmah Mohd Ali hari ini mengucapkan selamat menyambut Hari Gawai dan Pesta Kaamatan kepada rakyat di Sabah dan Sarawak.

“Saya dan isteri berharap semua orang bergembira menyambut hari yang menandakan berakhirnya musim menuai ini.

“Semoga hubungan rapat antara kaum terus terjalin, keamanan rakyat dan negara sentiasa terjaga,” katanya menerusi catatan di akaun Twitter, @chedetofficial.

Pesta Kaamatan atau perayaan menuai di Sabah adalah satu perayaan selama sebulan khusus bagi masyarakat Kadazandusun, dan kemuncak perayaan disambut pada 30-31 Mei sementara sambutan Hari Gawai pula diraikan pada 1-2 Jun oleh masyarakat Dayak dan Iban di Sarawak.

© Copyright 2016 - Developed for the People of Selangor

Source: <https://selangorkini.my/2019/06/tun-m-dan-isteri-ucap-selamat-menyambut-hari-gawai-pesta-kaamatan/>